



Broj: 04-20- 2041/22
Ilijaš, 12.09.2022. godine

U sklopu projekta „Ekonomsko osnaživanje socijalno i materijalno ugroženih osoba i mladih osoba kroz proizvodnju povrća u plastenicima na osnovu Sporazuma zaključenog između Općine Ilijaš, i humanitarne organizacije Muslim Aid Association broj: 04/1-20-2041 /22 od 08.09.2022.god., kojim su osigurana donatorska sredstva od strane humanitarne organizacije Muslim Aid Association 40 %, Općine Ilijaš 40 % i vlastitog učešća korisnika 20 %, u cilju razvoja plasteničke proizvodnje na području Općine Ilijaš, Općinski načelnik raspisuje:

**JAVNI POZIV
za predaju zahtjeva za dodjelu platenika od 100 m² sa dodatnom opremom
putem sufinansiranja**

I PRAVO UČEŠĆA

Pravo na učešće u Projektu imaju socijalno i materijalno ugrožene osobe i mlade osobe sa područja općine Ilijaš koji ne posjeduju platenik a žele pokrenuti plasteničku proizvodnju na vlastitom obradivom zemljištu ili zemljištu u vlasništvu članova uže porodice (roditelji, bračni drug ili djeca), kao i na zemljištu ustupljenom na korištenje ili u zakup u neposrednoj blizini stambenog objekta, kao i oni koji ne posjeduju više od 100 m² plasteničke proizvodnje.

Svi oni koji su ostvarili pravo po ovom osnovu u prethodne tri godina kroz projekte kao i donacije u mehanizaciji i opremi za poljoprivrednu proizvodnju koje je realizovala Općina Ilijaš u saradnji sa humanitarnim i drugim organizacijama ili putem viših nivo vlasti, ne mogu izvršiti prijavu po ovom javnom pozivu.

II USLOVI ZA DODJELU PLASTENIKA

Podnosioc zahtjeva treba da ispunjava slijedeće uslove:

1. Da je nezaposlena, socijalno i materijalno ugrožena osoba ili osoba sa minimalnim primanjima,
2. Da je podnosilac zahtjeva ili član njegove uže porodice vlasnik obradivog zemljišta pogodnog za plasteničku proizvodnju i koje se nalazi u neposrednoj blizini stambenog objekta u kojem stanuje,
3. Da je zemljište na nadmorskoj visini do 800 m,
4. Da ima mogućnost navodnjavanja platenika,
5. Da u trenutku prijave na Javni poziv nema više od 100 m² platenika u svom posjedu ili posjedu člana uže porodice,

6. Da sufinansira 20% od nabavne cijene plastenika sa pratećom opremom (630,00 KM),
7. Da u posljednje tri godine nije ostvario-la pravo na donaciju u mehanizaciji i opremi za poljoprivrednu proizvodnju od općine/grada, nadležnih ministarstava, humanitarnih i drugih organizacija,
8. Da obavezno prisustvuje edukaciji iz oblasti plasteničke proizvodnje u trajanju od jednog dana,
9. Da će dodjeljeni platenik držati u vlasništvu najmanje tri godine od potpisivanja ugovora.

Služba za privredu i finansije Općine Ilijaš i NVO Muslim Aid Association su nosioci aktivnosti vezanih za realizaciju Projekta.

III DODATNI KRITERIJI ZA DODJELU PLASTENIKA

Kriteriji za bodovanje podnosioca zahtjeva:

- a) Pogodnost vlastitog zemljišta za plasteničku proizvodnju i mogućnost navodnjavanja (utvrđuje Komisija za dodjelu plastenika na licu mjesta),
- b) Već postojeći upis podnosioca u Registar poljoprivrednih gazdinstava i Registar klijenata u općini Ilijaš ,
- c) Socijalno-ekonomski status podnosioca zahtjeva (radno-pravni status podnosioca zahtjeva i članova njegovog domaćinstva i visina primanja po članu domaćinstva).

Kada kandidati pri bodovanju imaju isti broj bodova, prednost će imati kandidati koji imaju status mlade osobe.

IV POTREBNA DOKUMENTACIJA

Potrebna dokumentacija za dodjelu plastenika

1. prijavni obrazac-zahtjev ,
2. kopija lične karte i CIPS-ova prijava boravka za podnosioca zahtjeva, a za punoljetne članove domaćinstva sa kućne liste CIPS-ova prijava boravka,
3. ovjerena kućna lista,
4. dokaz o radno-pravnom statusu svih punoljetnih članova domaćinstva (potvrda o radnom odnosu sa potvrdom o visini primanja za predhodna tri mjeseca, za nezaposlene osobe potvrda izdata od Biroa za zapošljavanje, za nezaposlene osobe koje nisu prijavljene na Birou za zapošljavanje potvrda izdata od PIO-MIO, za penzionere ček od penzije, za članove boračkih populacija dokaz o visini primanja iz Službe za boračko-invalidsku zaštitu, za punoljetne učenike i studente potvrda o redovnom školovanju, dokaz o primanjima iz Centra za socijalni rad, za djecu predškolskog uzrasata prilaže se rodni list),
5. vlasništvo ili posjed nad parcelom (ovjerena kopija ZK izvadka ili Posjedovnog lista, Ugovor o zakupu zemljišta na period od najmanje 5 godina),
6. ovjerenu izjavu da podnosilac zahtjeva u posljednje tri godine nije ostvario pravo na donaciju, dodjelu ili sufinansiranje nabavke plastenika, mehanizacije ili opreme za poljoprivrednu proizvodnju od općine, ministarstava, humanitarnih i drugih organizacija,
7. ovjerena izjava da će korisnik podsticaja dobiti platenik zadržati u vlasništvu najmanje 3 godine od potpisivanja Ugovora,
8. ovjerena izjava da ne posjeduje više od 100 m² plastenika u svom vlasništvu ili vlasništvu članova uže porodice,

9. ovjerena izjava da će sufinansirati 20% od nabavne cijene plastenika sa pratećom opremom (630,00 KM), te da će obavezno prisustvovati edukaciji iz oblasti plastičke proizvodnje u trajanju od jednog dana.
10. dokaz da je samohrani roditelj (smrtni list ili dokaz o razvodu braka)
11. dokaz da je podnositelj prijave ili član uže porodice osoba sa invaliditetom.

V PROCEDURA ODABIRA KORISNIKA

Općinski načelnik imenuje Komisiju za dodjelu plastenika (predstavnik organizacije „Muslim Aid Association“ i predstavnici Općine).

Zadatak Komisije za dodjelu plastenika:

- pregled prispjelih prijava, evidentiranje kandidata koji ispunjavaju uslove iz Javnog poziva, obavljanje uviđaja na licu mjesta, sačinjavanje liste krajnjih korisnika na osnovu utvrđenih kriterija za bodovanje, te dostavljanje iste Općinskom načelniku.

Saglasnost na predloženu rang listu kandidata daje Općinski načelnik na prijedlog Komisije za dodjelu plastenika.

Rang lista odabranih kandidata će biti objavljena na oglasnoj ploči Općine Ilijaš i službenoj web stranici Općine Ilijaš.

NAPOMENA:

- Kandidati koji ostvare pravo na dodjelu plastenika obavezni su prisustvovati edukaciji u trajanju od jednog dana.

Obrazac zahtjeva se može preuzeti na info-pultu Općine Ilijaš, i sa potrebnom dokumentacijom predati u zatvorenoj koverti na protokol Općine Ilijaš sa naznakom „Za javni poziv za dodjelu plastenika“, „Ne otvaraj“, uz ime, prezime i adresu podnosioca zahtjeva.

Sve dodatne informacije mogu se dobiti u Službi za privredu i finansije Općine Ilijaš, I sprat, kancelarija broj 13. ili na broj telefona 033/580-655 svakim radnim danom od 08:00 -16:00 sati.

Javni poziv ostaje otvoren 10 dana od dana objavljivanja.

Nepotpune i neblagovremene prijave se neće uzeti u razmatranje.

OPĆINSKI NAČELNIK

Akif Fazlić, dipl. ecc.

